

Tobolungatu

tobolungatu na vengeré ka ina Drukai zuku tikcingé nia.

mameneni na Drukai zuku patima nenu ku spakereva si cacakeni ka.

matumé na paiwangzuku. isukura masakiulane. makasi iku spakerevé ni.

puwa sarké na tobolungatu ka mangulane. Drukai zuku patumé mra na

tobolungatu pilri gu ku kecingani. tobolungatu ka tumé ku cikicikz le

skarrgini mrasudu si ku thabethabe re bobaru, makakiliveke. si pingce ge

bicicilringi na marudrenge.

Drukai zuku ku iconi madelame na tobolungatu. tumani ku skapilini

bula, cngleni sakura pikilivake mgagucu naico. iké rgerge madro na

makasierengenga iké na timalesilisike. dililenge. kené makasierengenga

tékani isarbu, like bicereka asasane na tupupu liya, vengeré avelevale

bisibisi dria. tékani madro na suro. sugulungnenga made, sarké lrimé made

sopsape pasilringo kené tupupulia, mrgi masiliketi na vengeré. Musobaka

pdalemenenia tobolungatu, ipiara made. pisi gia emici sivilri, ikené

makadédane. tékani ka amani kudani kini mia. gimadenga sivilri abire,

anguringa made nia ku iké ni rgerge, pakedridrime nakuni kini asesane?

ngulringo pakedridrime, ina miiri nga rosuni nga avé. miséva

gare ku odrerapisi, kedridrime made ka ipisivagé gia, iku apresisi ka

tumé drirapse. tumani nia tobolungatu. iké made tiresi. aména tokodipi na,

ku makeragi.

ina ang Dradriké ka idulru mranga kecapangne sititinga si na

tobolungatu, ina tédra ku alriganidia. tumanedra ku spakilivu nidia, si iké

ku adopadra. Ika tuminia lia ku skabrane. iku marudrenge tatumé nia liya ka

ubé pisititise na tobolungatu. iku yienela na nusititingese ma na tobolungatu.

ina sovalé ka akin a ulupuni si amamara madro na biri. mageragerange,

ikédia na kecenga plevéké na madela me ululupu. makasi iku alupani na

Drukai sovalé vilisine biri ka akiku skadrodra ku alulupadra. mra, lasadulru

sititingse. iké dra makecingé na kelagesa, thirobu si latitingse tobolungatu

na bébibé bobaru akina mabula si ingunguethi ka pasititingasedia na

tobolungatu. ina ikédia madrone tobolungata. sakura macingé kidre, iku

buroburo ka madro na madelamedia, na thabthabre, si sovalé ka madro ku

spaigudra pikilive. tobolungatu ku spakilivuni ptégare na Drukai zuku ka iké

ku kedredreme ni. ina Druki zuku iké kedredremeni na tobolungatu ku

skadelameni nia. tédra na nudulru ma lrigu.

百合花

百合花是魯凱族的族花。魯凱族服飾與排灣族大同小異，但以百合花飾的佩戴最為特殊。魯凱族人喜歡百合花，對於百合花的情有獨鍾。在魯凱族的社會裡，普通人不可以隨便配戴百合花；過去，百合花的佩戴，就男子而言是狩獵功蹟、英勇、能力的表徵，代表善於狩獵的勇士。在傳統的重要慶典裡，女子配戴百合花的朵數也非常重要，那是顯現尊貴的機會。

百合花的尊榮，深深的存在魯凱族的心目中，對於百合的獨愛，不是一般人可以體會的。